



GRADONAČELNIK

Broj: 07-45-1616-3/26

Datum: 05.08.2026.godine

Gradonačelnik na osnovu člana 69. stav (2) tačka d), člana 70. stav (1) i stav (4) Zakona o javnim nabavkama ("Službeni glasnik BiH", broj: 39/14, 59/22 i 50/24) (dalje: Zakon), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1) i (3) Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25) a na preporuku Komisije za javnu nabavku po Zapisniku o pregledu i ocjeni ponude broj: 07-45-1616/26 od 03.08.2026.godine za javnu nabavku „Opremanje struktura civilne zaštite, štaba CZ i operativnog centra CZ“, donio je:

ODLUKU

O PONIŠTENJU POSTUPKA

I

Poništava se otvoreni postupak za javnu nabavku „Opremanje struktura civilne zaštite, štaba CZ i operativnog centra CZ“ za LOT 3 – Nabavka ručnih baterijskih lampi, a u skladu sa članom 69. stav (2) tačka d) Zakona, jer nijedna od primljena ponuda nije prihvatljiva.

II

U skladu sa članom 70. stav (6) Zakona o javnim nabavkama, Grad Srebrenik će ovu Odluku objaviti na svojoj internet stranici: www.srebrenik.ba

OBRAZLOŽENJE

Odlukom o pokretanju postupka za javnu nabavku „Opremanje struktura civilne zaštite, štaba CZ i operativnog centra CZ“, broj: 07-45-1616/26 od 24.06.2026. godine, pokrenut je postupak nabavke predmetne robe. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna procijenjena vrijednost nabavke iznosi 32.229,20 KM (bez PDV-a), a za LOT 3 iznosi 5.500,00 KM (bez PDV-a).

Obavještenje o nabavci predmetne robe objavljeno je na Portalu javnih nabavki dana 25.06.2026. godine pod brojem: 761-1-1-64-3-103/26 i sažetak obavještenja o nabavci, objavljen u „Službenom glasniku BiH“ broj: 46/26 dana 03.07.2026.godine. Tenderska dokumentacija objavljena je zajedno sa navedenim obavještenjem.



U krajnjem roku za dostavu ponuda za LOT 3, dostavljena je ponuda ponuđača „VATRO-PROMET“ d.o.o. Banja Luka, broj ponude: PO-133-07/26 od 10.07.2026. godine u iznosu od 5.500,00 KM (bez PDV-a).

Uvidom u dostavljenu ponudu ponuđača „VATRO-PROMET“ d.o.o. Banja Luka za LOT 3 – Nabavka ručnih baterijskih lampi, Komisija je konstatovala da ponuđač nije dostavio izjavu za garantni rok iz tačke 7.3. tenderske dokumentacije i to: „Ponuđač je dužan za LOT 3 i LOT 4 dostaviti ovjerenu izjavu da se obavezuje da će u toku garantnog roka od minimalno 12 mjeseci o svom trošku i bez odlaganja izvršiti sve potrebne popravke, otkloniti sve nedostatke i po potrebi zamijeniti isporučenu robu novom robom ispravne funkcionalnosti ukoliko se pokaže da roba ima nedostatke ili ne funkcioniše u skladu sa ugovorom i specifikacijama roba.“

Zbog navedenog nedostatka ponuda ponuđača VATRO-PROMET“ d.o.o. Banja Luka za LOT 3 – Nabavka ručnih baterijskih lampi ocjenjena je kao nepravilna, jer nije u skladu sa tenderskom dokumentacijom, u vezi sa članom 2 stav (1) tačka 1) alineja 3) Zakona o javnim nabavkama, te se odbacila jer nije poptuna i ne ispunjava zahtjeve iz tenderske dokumentacije, a u skladu sa članom 68 stav (4) tačka i) Zakona o javnim nabavkama.

Obzirom da su ispunjeni uslovi za poništenje postupka javne nabavke u skladu sa članom 69. stav (2) tačka d) Zakona o javnim nabavkama, tj. da nijedna od primljenih ponuda nije prihvatljiva, Komisija je predložila rukovodiocu ugovornog organa da, u skladu sa članom 70. stav (1) i stav (4) ZJN, donese Odluku o poništenju postupka javne nabavke.

Na osnovu svega naprijed navedenog, ugovorni organ je prihvatio prijedlog Komisije i donio odluku kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

GRADONAČELNIK

Adnan Bjelić

Dostavljeno:

1. Ponuđaču 1x
2. Službi za civilnu zaštitu
3. Budžetu
4. Evidenciji
5. Arhivi

